

傳通良榮見

金義合  
二木

秋

受領第	門	年部	廿
149687	年	冊	二六
淨土宗大學圖書	明治	月	二
淨土宗務所寄贈	三	年	三



0931	貴	年
14	重	月
4	書	日
佛教大學藏書		
第 149687 号		

40 1 2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8



149687

藏書  
領卷號  
169

觀經玄義分傳通記卷第二見聞本

自下五行等者上今五行或合歸敬或開發起若依合意可云五行明歸敬由今約開意耳○雖有四意等者第三意正爲發起意初二意爲發起由第四意廻發起功德故四意惣爲發起造疏意也問初二意爲發起由意如何答惣流轉間逢釋迦教速證無生別觀經有徒生宗致顯此義爲利益衆生說偈歸敬三寶相應釋迦佛心請證誠力發發造疏也○初喜希值等者初二行中雖無喜言今逢速證感悅言故以義云喜也○有宗致者宗者法華玄云宗者宗要已上致謂旨也凡夫徒生爲經宗致可通因行及遠近樂故宗旨門以兩三

昧爲經宗旨。經流通說當座道場。坐諸佛家此偈初標無上心及願心結。云發菩提心。徃生安樂願心。欣近果菩提心。欣遠果意也。○邪見者俱舍頌云。邪見痴究竟愚癡極時。撥無因果故名邪見。是利義故。俱舍云推求推度故名爲見。<sub>已</sub>○故徃生等者對未發心。發徃生心。徃生時隨機可通平生臨終也。○覩愚癡者不俱見惑云。覩愚癡是修惑根也。○真俗二諦者理。性。名。真事相。名俗審實不虛爲諦義也。隨教義。異如相宗三性中圓成真諦。依他俗諦也。遍計虛法故非諦。提如台家四教各有二諦。如藏通三界空爲真諦。六道有爲俗諦也。如別圓中道爲真諦。前真俗合爲俗諦故天台云。俗也。

即百千如真。即同居一念。云不學教法人爭解了二諦法門。○不覺等者。覺知俱是雖意識能所掌。是異也。覺了識知是掌深淺。又佛地房釋佛一字立覺知差。覺者合中知鼻舌身識也。知者離中知眼耳意識也。<sub>云</sub>○唯以信佛等者。是通伏難。々々意謂若不覺知二諦法門。何具厭欣可徃生乎。通意者雖不知法門。自性善故。以信佛智得徃生也。○世間正見等者。有漏凡夫名爲世間邪見。是入聖所破正見成無漏惠本體故云無漏根本好世淨土云。國中欲好世無邪三毒故好世。上代衆生純善發真正三毒不發邪三毒見惑相應貪等云邪思惑會等正也好世者八万已下二万已上無漏故。

云好世淨土也○無漏智惠根本等者坂下是指有漏智也是凡夫任運愚癡過輕也入佛法以此癡直心得法也問上人云聖道門意窮智惠出生死已然何以癡直爲入佛道初門哉答實智惠入聖障也故天台云智還成妄宗鏡錄云智了唯一夕而成妄上然正趣修修門時智解情量皆障也然此修行門未趣入前發智惠分別妄覺推度心源後入修行也天台云前六重依修多羅以開妙解今依妙解以立正行已六重者止觀立十章其中初六重也十章者大意繙名躬相攝法偏圓方便止觀果報化教旨起已然上人窮智惠彼仰妙解位也云智還成妄等是正修行時也天台宗意教

先明妙解眼運修行足也故云智自行足到清涼池即此意也然淨土門初解了不爲事只以信佛因緣偏仰他力計也故云還愚癡性生也云○祖師云等者藤田源空上人然阿祖師故源空奉名祖師凡聖道門意斷惑證理離生死故云窮智惠淨土門意凡夫隨分雖解諦理不能出苦故自身下無出離緣乘佛願故云還愚癡也學解時從凡至聖一切普學若學行時行有緣法不能多緣况普學人期出要時只歸淨教不依廣學何況深理無相無念絕緣慮故理深解微緣無相人遙拜見迎攝算觀無念輩稱念本願名號也平生正行折佛力外特何者哉臨終正念尅佛名外修何修行哉又一

義云聖道門意窮智惠離生死故捨愚癡者淨土門意取聖道門所捨愚癡也○俱舍云等者門法華經云諸苦所同貪欲爲本若減貪欲無所依止已何相違耶

答受生死苦由貪染着々根本由愚癡故貪欲爲本是一件義無明爲本再徃義也○天台云等者止觀文受一種報已六道講式上人解脱云祇園寺蟻載塊送過去遠々瞻婆城鵝栖林經未來永々已

藤田

因問生死

有始哉答佛教云無始外道立冥本謂八万劫始出生是名冥初生覺問生死無始亦無終哉答惣而言之生死無終別約一人生死有終故俱舍論云若作

此問一切有情皆當死不應一向記一切有情皆當定死若作是問一切死者皆當生不應分別記有煩惱者當生非余已

上

問法華記云無始之法方乃無終々々

之法方乃無始比此理決定何立生死無始有終義耶

談事誠有此責但生死法皆從真如理緣起是故生死歸入真如若依此義生死念々有始有終真如湛然無始無終雖然迷真無始故名無始若同本覺不還生死云有終釋論云根本無明無始有終始覺淨智有始無終已上外遺者此有邪正々外道者九十六種中有一類外道非想計真涅槃修上界定感彼果報此非道討道戒禁取見也此同佛法有偏智斷故名正然而

不免輪迴故屬外道邪外道者或起斷常二見或撥無因果等其中一類修上界定得五遍見鷄狗生天彼修因戒禁取見也邪正俱不見過去八万劫前故計一切衆生八万劫初出生冥八万劫前知八万劫後云冥初生覺也○物而言之等者衆生界如虛空無盡故云無終約斷惑人故云有終云○一向記等者俱舍頌云應一向分別反詰捨置記如死生殊勝我蘊一異等已若問生皆可死不可一向記皆可死若問死者皆生不可分別記有煩惱生無者不生若問人殊勝可反詰爲對三途爲對天若問溫一異可捨置記佛法無我何論一

異云

此次良心有科紙一字下而書之

第三問意生死若無始可無終何立無始有終義蒙不齊責耶答中二初所難屬事受不齊責二但生下約理會難於中初述始終相續義合法華記次難初者生死事法

已上良心  
同今

雖然迷真等者生死事法自理緣起還歸理故生死有始有終此乃空即是色故名有始也即是空故成有終義也生死歸理削始終名無始無終也釋論述四相義即有前後但有根本無明三細六麁前後故名前後四相色心諸法念之生滅俱有四相故今念人有始有終者當俱有義凡事理義進迷惑故金鉢論云衆生但事

諸佛諸理既是衆生唯有迷中之事理諸佛具有悟中之事理迷悟雖殊事理體一上生死無始是迷事也生死有始約悟事也○迷真者唯識論云愚夫顛倒迷此真姬故從無始受生死苦已上○若同本覺等者斷證淨智還同本覺生死永絕故云不還凡因迷真即成無明若無真如不無明如無机不可有鬼見故天台云無明無體全依法性已上迷本覺死故亦歸本覺故生有無始有終義也○釋論云根本等者大圓鏡智現前根本無明永除故云有終鏡智二度無障故云淨智無終已上大唐平城寺習法師起僻見思一切衆生自本覺城迷出故縱離成佛而佛智流動可還生死云依此邪見終時

吐血墮大地獄云○過去諸佛等者迦葉佛於人壽二萬歲時多時利益衆生滅後七日正法滅盡所以者何彼佛不論論議經故法久不住今釋尊說論議經故法久住世云諸佛住世隨人壽故劫章疏云六方四万二万時物那迦葉佛百歲釋迦牟尼佛已上問若尔釋迦住世可百歲何八十入滅哉答准婆娑論爲伏隕魔不至百歲八十入滅云依慈行抄佛二十年可受供養物不受爲滅後破戒資緣八十入滅云○而襄微者教行證三盛如在世名爲正法然五百年後有教行無諸理故云襄微也○經律異相南山作也○佛昇忉利等者摩耶經同本異譯也○釋迦譜者南山作也女勝詔

曲引法器故不許出家然佛婦母惱曇弥依阿難求出  
家佛不許給時婦母立養有恩大奉恨佛仍許出家故  
餘女人隨出家故減正法半云○調御師者十号隨一  
也○餘者悉者像法未法名餘也又今於正法千年中  
論損減云餘者如本云問本願現文云正法千年何  
違願有正百五百說哉答雖本願許女人出家依之  
減五百准之因位發願位菩薩意樂不許女人出家欲  
況雖減五百修八敬成千年故不違願如此說赴機語  
也問不取正覺誓願不叶願例之弥陷本願雖誓心  
行若有重罪不可乘願哉答無例也今有正法五百  
異說故違願弥陀願雖除重罪觀經既攝逆罪本願外

除重罪無異說故不可例問減正法依別緣像法十  
年違願有何所以哉縱雖無由增不可爲失又減正  
法五百成像款但此義違正像各千年也問正法五  
千何意哉答約女人出家五百損減約說八敬還延  
千年故行事抄第六云次明說要行勿過八敬善見佛  
初不度女人出家爲減正法五百年後說八敬聽出家  
依教行故還延千年今時不行隨所法減故須勵蓋今  
列其名一者百歲比丘尼見初受戒比丘當起迎送禮  
拜問訊令座二比丘尼不得罵謗比丘三不得舉比祖  
罪說其過失比丘得說尼過四式又摩那已學於戒應  
從衆僧不受戒五尼犯僭殘應半月在二部僧中行摩

那塘六尼半月內當於僧中求授人七不應在無比丘  
處復安居八隻訖當詣僧中求自恣人如此八法應會  
重聚故讚歎盡欣不應遠上問像法千五何意答

正法既有減像何不減故像五百又像似法滅限回定  
故亦說千如此異說爲引衆機勸勵其意不可定執云

次明說等者言說正法不滅要行不過八敬也○善  
見者論欵律欵難知不許女出家云不度○隨所決獄  
者言隨八敬法不行所正法滅也○一者等者八大意  
者女性詔曲憍心爲法輕人法故爲令丘衆敬重人法  
令行八敬○已學於戒者受學六法云學戒也言學六  
法後從衆僧求受比丘尼五百戒也○戒僧殘者五篇

中第一波羅夷此翻斷頭尖比丘性故若犯之餓惱不  
立失比丘性第二僧殘已下輕戒故設犯懲還歸清淨  
居大僧位故云僧殘比丘尼懲罪可准知云又毘尼討  
要上云僧伽婆尸沙者婆娑云僧伽者名僧娑尸沙者  
名殘若犯此罪纏垢行人非全淨用有殘之罪由僧除  
滅故名僧殘如人爲他所斫殘有唱唉故名僧殘云目  
連問罪報經云僧伽婆尸沙如不憍樂天壽八千歲隨  
泥梨中於人間數二百三十億四十千歲上○半月者  
西天佛法上十五日名黑爲一月今  
半月者且望世俗三十日爲十五日僧也半月云尼法  
於半月當說戒時懺悔所犯罪也有云天竺法黑前白

後也故禮讚記引僧企律今日黑月或自上月料簡此云  
黑前白後故云今日黑月或白月也云若准此方風儀  
所依有之欵○二部僧者比丘與比丘尼名二部也○  
塵那埵者此云衆喜犯僧殘尼二部衆中修懺滅罪僧  
衆喜之故云衆喜半月者不論黑白十五日內何日僧  
中未教授人可學戒義明律人名教授人也自恣者孟  
蘭盆經疏密云自恣者自己之過恣他所舉乃至於衆  
中白大德長老或見我過或聞我罪或疑我犯恣任所  
與哀愍語我々當懺悔上○正法既有等者言正若減  
像亦可減正若不減像亦不減故有正像各五千又

正法減由度女人未見像法減不減由故像定十云疏  
又像似法等者雖無證理教行相似正法故云像似教  
行易故減限久至故云千年也如此異等者爲勵行  
人說時節但爲誠懈怠說時節延也○問立世等者證  
真和記云問立世經明百年減十歲乃至答善見律云一  
万年後經書文字盡但有剃頭袈裟而已略鈔若准此  
文佛法久住問第三千年云得那舍即當今時何不得果又爲五千年若得初果既初入聖即是正法答  
正像未者是從多分今論少分故云得果凡正像未法  
者如來遺法分爲三種入滅已後或五百年或一千年  
如佛在世斷惑證理故云正法次一千歲像似正法故

名像法如來遺法未季澆薄故名未法已○百年減十歲者但舍竟百歲減一壽故一十年減十歲也此經意十年減一故百年減十謂佛在世人壽百歲十年除一成九十時經一百歲成八十時經二百歲如此經故到十歲時經九百歲然約備數云經千年何於一千年內有正五像千未法万年耶○答立世等者立世經有二說若依百年減十從百至十歲經千年故不可有正像未時若依佛法住世人壽遲減說時如俱舍說從十至十時分可有正像未時今至下以現證成義又善下出佛法住相顯人壽遲減問人壽限依先業力設行佛法何爲先業不定入壽遲減哉答今行佛法此法力

潤過去業曰延今壽限例如羅漢衣鉢施人此功力潤昔壽限云問世荷佛神其命速亡相違今如何答義寂大經疏釋本經善惡頓不應文云過去惡強今世善弱今生修善尚有災難過去惡弱今世善強今生行惡尚有吉事云准之可知○於千年等者若准餘說初一千年是正法時次四千年中初一千年是像法時後三十年是未法時但餘說中不許像未證果此約多分所論故私記云正像未者是從多分今論少分故云得果已○得三脫者空解脫無願解脫也此以四諦十六行相成三解脫俱舍頌云空謂空非我無相謂滅四無願謂餘十上准之三解脫初果位得此舉初果所得顯

後三果也所以知者次四千年尚得四果况初十手可  
得四果理在絕言次四千年初二三四千年如次證羅  
漢不還一來預流云○五千年者合上千年云五千年  
○五歲後者上五千外非論一万此上下合一万歲謂  
上得果五十々々後無得果五千合云一万歲也○述  
記等者述記十卷唯識論三十卷末疏慈恩作惠愷法師俱舍論三十卷序作也 分文二初  
定天親出世時次述餘十大論師出世時初中先引舊  
俱舍義簡大乘說依今下述大小說異言於今世所傳  
新舊諸部小乘千一百年大乘九百年說是異今依新  
譯大乘所傳九百年中天親出世造此唯識三十頌本  
真諦下引舊譯大乘類同新譯故云亦云也○中邊疏  
真諦下引舊譯大乘類同新譯故云亦云也○中邊疏

者中邊論瑜伽論十支未論隨一也○同時唯有者親  
勝火辨等十大論師各令造三十頌釋中此二師天親  
同時也余八論師天親滅後出世造論玄槩集十大論  
師釋譯唯識論十卷名之柔論而已○佛當周等者周  
代八百二十年主三十五人中第五主名穆王々實名  
云蒲當王位五十二年佛入滅也○後周者問綽公隋  
代師何云後周耶云荅陳隋代中有後周○保定二  
年壬午者是農壬午年號當日本藏和四年壬午也○大  
業九年癸酉者當日本定居三年癸酉也○彎師何故  
等者又一義云舊俱舍是梁真諦譯故齊彎師不可知  
之故不可依小乘千一百年說欵○師資相兼等者道

師若違鸞綽二師可述別義無別釋故同二師意如咗  
識論云義有異者皆別說之既無別說定與彼同上  
問和尚何不依各五百說耶答以今經論多說諸師  
不依師資相承三義可會此難云問釋迦本願正千  
像五不可虛設何故餘教更說正法五千等哉答  
聖意難測且試會釋迦既有無量國土彼願所指何必  
袈婆哉此國中可有如彼本願亦感正法像法機各據  
一緣無相違過○費長房者仙人名也○魯春秋者魯  
是國名也孔子在國名魯國是歟春秋文名也○匡王  
班者匡假班實名也問滅後一千五年中行事如何  
答摩耶經委說其相未法燈明記云初安正像未者

諸說不同且述一說大乘基引賢劫經言佛涅槃後正  
法五百年像法一千年此千五百年後釋迦法滅盡不  
言未法准餘所說尼不修八敬而懈怠故法不更增故  
不依彼又涅槃經於末法中有十二方大菩薩衆持法  
不減此據上位故亦不用問若余者千五百年之内  
行事如何答案大衍經佛涅槃後初五百年大迦葉  
等七賢聖僧次第住持正法不減五百年後正法滅盡  
到六百年九十五種外道競起馬鳴出世伏諸外道七  
百年中龍樹出世摧邪見幢於八百年比丘縱逸僅一  
二有得道果到九百年奴爲比丘亦婢爲尼一千年中  
聞不淨觀瞋恚不欲千一百袈裟僧尼嫁姦毀謗毘尼千

二百年諸僧尼等俱有子息千三百年袈裟變白十四  
百年四部弟子皆如鶴師賣寶物年五百年物賸彌國  
有二僧反起是非遂相殺害仍教法藏於龍宮也涅槃  
十八及仁王肇復有此文准此等經文千五百後無  
有戒定惠者故天集經五十一云我滅後初五百年諸  
比丘等於我正法解脫堅固初得聖果名爲解脫次五百年禪定  
堅固次五百年多聞堅固次五百年造寺堅固後五  
年闡諍堅固白法隱沒云此意初三箇五百年加次戒  
定惠三法堅固得住耶上所引正法五百像法一千二  
時是也造寺已後並是末法也

此次良心引摩耶經補於藤傳一字下而

書之

第九答中○摩耶經者彼經下二云摩訶摩耶問阿  
難言我子悉達臨滅度時有何教勑阿難白言世尊  
中夜爲諸比丘畧說教戒以所說十二部經付屬尊  
者摩訶迦葉乃時摩訶摩耶聞此事已又增悶絕即  
阿難於汝徃昔侍佛已來聞世尊說如來正法幾時  
滅阿難垂淚而便答言我於徃昔曾聞世尊說法於  
當來法滅之事云何佛涅槃後摩訶迦葉於狼跡山  
入滅盡定我亦而得證果次第隨入涅槃當以正法  
付優婆夷多善說法要如富樓那廣說度人勸化衆  
輪迦已今於佛法得堅固正法以佛舍利廣起八方  
四十諸塔二百歲已尸羅難陀比丘善說法要於閻

浮提度二億人三百歲已青蓮眼比丘善說法要度  
千億八四百歲已牛口比丘善說法要度一切人五  
百歲已寶天比丘善說法要度二万人八部衆生發  
阿耨多羅三藐三菩提心正法於此便就滅盡六百  
歲已九十六種外道等外見競興破滅佛法有一比  
丘名曰馬鳴善說法要伏一切外道輩七百歲已有  
一比丘名曰龍樹善說法要滅邪見幢燃正法炬八  
百歲後諸比丘等樂好衣服縱逸嬉戲百千人中或  
一兩得果有九百歲已奴爲比丘婢爲比丘尼一千  
歲已諸比丘等聞不淨觀阿那波那嗔瞋不欲無量  
比丘若一若兩思惟正受千百歲已諸比丘等世俗

入嫁汎媒於大衆中毀謗毘尼千二百歲已是諸比  
丘尼作非梵行若有子息男爲比丘女爲比丘尼千  
三百歲已袈裟變白不受染色千四百歲已時諸四  
衆猶如槁師好樂殺生賣三寶物千五百歲已俱胝  
彌國有三藏比丘善說法要徒衆五百有一羅漢比  
丘善持戒行徒衆五百於十五日布薩之時羅漢比  
丘昇於高座說淨法云此所應作此不應作彼三藏  
比丘弟子問羅漢云汝今身口意自心不清淨云何  
乃說是麤言羅漢答云言我久清淨身口意業無諸  
過患三藏弟子聞此詰已倍更懺忽即於座上殺阿  
羅漢弟子而此言我師所說今於諸利云何汝等害

我和尚即以一切經藏皆悉流移至鳴摩那竭國阿  
毘達龍王悉持八海於是佛法而滅盡也已

已上 良心

鈔也

未法燈明記者傳教作也

良心有一段說一字下而書之

諸說不同等者正五像千正像各千等云諸說於中

正五像千說云且述一說

已上 良心鈔也

文大意者初舉三說不依用後依大衍經及大集經頤  
義相○大乘者慈恩寺基法師也玄奘相傳法相大乘  
故云大乘此乃玄奘上足四人隨一也其四人者昉尚  
光基也○問若等者問文初決正像未何決正像時耶  
答雖標三時約教流行論正像時況舉大集五箇五

百何云不決未法時乎○七賢聖者依上所引摩耶經  
迦葉乃至寶天比丘也此當西天付法二十七人中初  
十人也○不淨觀者五停心中不淨觀也治貪欲也  
問今出此觀意如何 答難知若出家於男女起愛欲  
心住淨顛倒故說不淨觀聞之還生瞋恚欲○袈裟變  
白者如法衣色不出青黑木蘭三色然變白色是法滅  
相也

此次良心引涅槃及仁王全文一字下而書之

如葛師桀者擊耶經云猶如獵師好樂殺生已○涅  
槃十八等者彼經云爾時物賾弥國有二弟子一者  
羅漢二者破戒徒衆破戒徒衆凡有五百羅漢徒衆  
其數一百破戒者說如來畢竟入於涅槃我親從佛

聞如是義如來所制四重之法若亦可犯亦無罪我今亦得阿羅漢果四無礙智然阿羅漢亦犯如是四重之法若是實罪阿羅漢者終不應犯如來在世剗言堅持臨涅槃時悉皆放捨時阿羅漢比丘言長老汝不應說如來畢竟入於涅槃我知如來常不變易如來在世及涅槃後犯四重禁是義不然何以故須陀洹人尚不犯禁况阿羅漢若長老言我是羅漢者終不生想我得羅漢阿羅漢者唯說善法不說不善長老所說純是非法若有得見十二部經定知長老非阿羅漢善男子余時破戒比丘徒衆即共斷是阿羅漢命吾男子是時魔王因是二衆忿懣之心悉共

害是六百比丘余時凡夫各共詬言哀哉佛於是滅盡而我正法實不滅也余時其國有十二諸大菩薩善持我法云何當言我法滅耶當于爾時闍浮提內無一比丘爲我弟子余時波旬悉以大火焚燒一切所有經典其中或有遺余在者諸婆羅門即共偷取處々採拾安置已典以是義故諸小菩薩佛未出時卒共信受婆羅門語已仁王經下云國王大臣太子王子自恃高貴滅破吾法明作制法剗我四部弟子比丘比丘尼不聽出家行道不聽造作佛像形佛塔形<sub>乃</sub>至大王我滅度後未來世中四部弟子諸小國王太子王子乃是任持無護三寶者轉更滅破三寶如

師子身中虱自食師子非外道也已

已上良心抄也

解脫堅固者初五百年無漏三學具足斷惑證理故云解脫堅固次五百年雖有三學是有漏故不能斷證定兼戒惠故舉禪定顯戒惠也次五百年有能詮三學教無所詮三學行故云多聞此時亦名字持戒也自法者佛法損減故云隱沒凡五箇間行相配當且約多分若論少分未法尚有證果況於像法可有證果也如次戒定惠者次第次也謂三箇中初惠次定後戒其實三箇各有三學舉一顯餘二耳○從釋迦入滅等者從彼壬申至日本元亨四年甲子凡歷二千二百七十三年又從和尚入滅年至甲子凡歷六百四十四年也謂吾朝

推古天皇御宇定居三年癸酉誕生經六十九年天武天皇白鳳二十年辛巳入滅者○建治二年等者從彼丙子至今年觀應二年庚午經七十六年故至今年如來滅後二千三百年也○第三十四代者天神地神以後從人王初第三十四代也從神武天皇第三十四代名推古々々就位二十一年大師有御誕生就位治天下名治世是云治也○大業九年者當日本定居三年癸酉永隆二年當日本白鳳二十一年辛巳也○然新修傳云等者上述誕生事下述入滅事故云然也○漢朝者唐土云事也○和國經七代者初三入女代也○受具戒者律法二十已前不許具足戒機根未熟可破戒故今

云受具戒知二十以後值綽公事三十以前也○妙開律師者和尚受戒師也又同受戒人歟○修余行業等者聖道門名餘修業也○透僻者透廻義也余行中雖有速疾行望今下機理深解微證悟難成故云難成惣指觀經云此觀門望聖道門定超生死當通定散意在念佛本願行故付屬行故攝方機故○綽七十一等者綽五十二年導師生故綽七十一導二十歲也綽入滅貞觀十九年導三十三也故導二十時貞約六年也○傳中雖云等者淨土往生傳珠云唐貞觀中見西何綽禪師行方等餓及淨土九品道場導大喜曰此真入佛之津要吾得之比○遺跡等者古抄云遺跡惣指諸經

彌陀以下二句別指淨土經耳又遺跡言雖通諸經意在淨土言惣意別云今記後義也○上句指壽經等者釋彌陀本誓等二句有二義初以二句配屬二經次又此二句下以二句另屬觀經此二義俱問答決疑互不相違但上經親物理下義親序題云○要門弘願等者坂下偈序題各有要門弘願然偈雖觀經疏序惣云廣闊淨土門故弘願指大經要門指觀經也序題觀經序故要門弘願在觀經云也是一義也又一義云偈序題可限觀經也說偈序題不可相違故問要門指觀經無疑弘願專在大經何云在觀經哉答凡淨土三經皆說本願成就相貌故三經皆說本願既云顯彰別

竟弘願三尊住立空中是也○答凡夫等者藤田凡夫  
徃生攝凡夫願九品佛迎第十九願定散徃生其機悉  
凡夫身不乘佛願何爲報土機宜此由願中攝機之力  
故屬本願佛迎雖通定散凡機現文且限九品徃生故  
云九品迎接是則本願惣而言之指六八願觀經所說  
願成就故攝法身攝淨土皆悉爲攝般生故此經廣說  
依正佛菩薩皆爲攝衆生故惄結也有義者云彌陀等  
文諸行本願明據也故可讀彌陀本誓願之極樂等云  
今云不然序題門中行者所修定散行因名爲要門彌  
陀大願業力增上緣名弘願准之本願強緣名彌陀本  
誓願行者修因名爲要門故可讀彌陀本誓願與極樂

之要門也所詮今偈文言略故互讀文點不共許文何  
以此文爲諸行本願明據哉▲本 等廻向者就等字  
有句上勺下齊等三義今齊等也如云等有五乘之用  
云今廻向者親第八門耳 問一人上爲廻定散將二  
機各別廻定散二人各別廻生 又一人上廻無其妨云  
有義者云定散二善不能獨生廻念佛時成因故云等  
廻向云今云不然定散各生經釋分明何云定散不能  
獨生 今家釋廻向空義云廻所修業向所求處或云廻  
因向果准彼知今廻定散因所求土云等廻向未見一  
處廻念佛文無文情義不足信用云○若約始等者生  
彼淨土退位凡夫依處不退無退失故名處不退見佛

聞法證真理故名證悟也法事讚云坐時即時無生忍  
一念迎將至佛前法侶將衣競來着證得不退入三賢  
已上坐時無生是處不退證得不退入三賢故云○故證  
之字等者無生身義通始終故證義隨異也若約始者  
證契義也若約終者證悟義也始終不退俱是速疾也  
一形十念凡夫速生淨土故乘佛願力速證無上菩提  
果故法事讚云到彼華開入大會無明煩惱自然亡三  
明自然乘佛願須臾合掌得神通已則此義也○群疑  
論等者無生名理忍名機惠如淨影云惠心安理名無  
生忍已上彼論六云無生忍有六位一者聞惠在十信前  
二生勝解在十信後三思惠在十住後四優惠在煩後

五證得在初地六相續在八地此在曰中佛果圓滿已  
聞無生理達能詮教文名聞惠婆娑論云由聞所成故  
名聞惠已十信即前於聞惠中信解定名生勝解指  
十住位名十信後達能詮所詮名思惠十行十向名十  
住後離能所趣諦理正受定名修惠已俱舍論云薰習  
心中無勝定故名發惠已上十迴向後心名煩法五教  
章云爲引二乘於十向滿開立煩等四加行位唯識論  
引解深密經已上百法抄云聞思修三惠者如次先文後  
義先義後文々義共照法也謂聞惠者聞教文首依託  
之知義理依之生惠故名聞惠思惠者先義次文雖聞  
文意不任文以自思解簡擇義理依思生惠故名思惠

修惠者修得定相應惠也此惠不著文不著義任運能  
並照文義是明了真實也文爲先義爲先惠者文義故  
必可比知其心散亂不了真實定相應惠定心專住不  
敢任運稱境自相非比知依之生實惠也上五證得者  
初地證得真如理故云在初地雖云初地意可取七地  
以前也六相續者念不退也八地以上有漏心不雜起  
純無漏故云相續○龍興記等者彼師觀經疏下云無  
生者唯有多說今明一義諸經論中無生有五一果報  
無生如毗曇說三乘無習盡三界生更復不生故名無  
生二煩惱無生又如彼論利根無學煩惱不退得無生  
智名曰無生此二無生通大小乘三識無生如攝論

等十迴向菩薩世第一觀識無空故名無生四法空無  
生如法集經初地已上彼無生忍證法空理名曰無生  
五忍無生如仁王經五忍之中第四一忍名無生在  
七八九地理實第四與五同是法空無異約經爲別初  
地已上名有相修七地已名上無相修七地所修得有  
功用修八地已上得無功用修此後三忍唯大乘說已  
五無生中初二無生於見思斷如次約斷惑是故三乘  
無學約見思斷論也○利根無學者且約聲聞此有六  
種退法恩法護法安住堪達不動前五退根退起思惑  
是鈍根故名時解脫第六不退起惑是利根名不時解  
脫今對鈍根第六不動名利根也於緣覺有極速四生

極遲百劫依利鈍故於菩薩判三祇百劫無異途故只  
局利根無鉢義歟○無生智者十智中第十無生智也  
○通大小乘者大小乘俱談斷見思盡三界生故云通  
也識躰無生者觀八識躰即無生也此乃依他起性非  
有似有意也謂八識俱依他生故相似相續是名似有  
自性空故名非有也○法空無生有煩惱有人執二執  
五蘊和合假躰名人執其躰見思也執五蘊法躰名法  
執其身無明也地前三賢斷人躰迷證人空理從初地  
位斷決執迷證法空理明五蘊相色心二法薩婆多意  
觀五蘊體色極々微心極剎那故談法身恒有三世實  
有大乘意談五蘊法本無生故名法空也次上煩惱

無生人空也識體無生且紂心法今法空通空色心法  
也○仁王經五忍者一伏忍上中下住行向二信忍上  
中下初二三地三順忍上中下四五六地四無生忍上  
中下七八九地也五寂滅忍上中下十地佛果也○第  
四與五者法集經意約證理云第地已上然前六地有  
漏雜起而有相修故仁王經七八九地名無生忍淺深  
雖異同法空故云無異也○初地已上者若六法以前  
有相多無相少七地中有相少無相多八地已上純無  
相也七地以前功用修故真俗別觀八地已上無功用  
故真俗合觀云○西方要決者慈恩作一卷文也○位  
不退者捐三賢位言十信位修万行因經一方劫唯識

觀成不墮惡趣故云不退○唯識觀者法相宗意其如  
不變諸法唯八識所變也華嚴云三界唯一心外無  
別法但唯識觀可有淺深三賢淺觀也是相似初地已  
上證得真理是深觀也故次下云已得初地真唯識觀

云

此次良心引百法抄一字下而書之

百法抄云菩提薩埵雖行願無邊專以唯識三性觀  
爲本行爲悟入此妙理修余無邊行遂佛果曰滿間  
唯識妙理也問先何云唯識三性觀乎答法界  
其實唯心也迷此唯識理妄執外境故起我法迷倒  
增益遍計所執故不了依圓真體由此起造煩惱諸  
業淪沒生死多苦無邊也若悟唯識理之時不執外境

故我法妄想悉齊二障顛倒更不生能顯依圓妙軀  
是名唯識三性觀也已上 良心

惡律儀者於俱舍意逢戒師受持七支戒名善律儀若  
逢惡師若自立誓行三業惡名惡律儀云○捨二乘心  
者十信既發大乘心况三賢乎然地前位賢位故自利  
分寄二乘心如寄二乘顯佛自覺也又三賢有身子之  
六住退等故於地上云捨二乘心也○念不退者七地  
以前雖念真如有漏心雜八地已上純無漏而無功用  
故定散心中真如念々相續無退失故名念不退也○  
雖無文諦等者四不退中前三不退依十住論處不退  
一無依文故舉伏難意云雖無等約理引例成義消也

問極樂不退文在三經本願今成云離無文證乎

答論藏常談依位淺深立三不退淨土凡夫未斷一惑  
未入正位約其自分無不退義故云無文次下釋云據  
其行位未可輒齊則其義也○如論疏者十住毘婆沙  
論也○退根者六種姓中前五種也○起修道惑者修  
道所斷修惑退起只是暫退非永退也問何不起見  
惑哉答俱舍論云見道唯無漏修道通二種上於見  
道位以無漏智斷見惑故重不退起而下八地修惑通  
有漏無漏二智斷故鈍根聖者以有漏智雖斷修惑遇  
緣退起薩婆多意從未來藏煩惱現起然無漏智無間  
相續故未來藏惑不現起爲斷惑義退根羅漢遇五退

緣心散亂時無漏智定間時惑未來藏現名修惑無漏  
智起煩惱不起故屬暫退五退緣者遠行多病身心疲  
勞故心散亂樂誦經典等三事皆散動緣故依之心散  
惑退起也行者已下准例成義於中初述凡夫退義次  
但生下述處不退也○前三不退等者言未得入位行  
念三不退凡夫若在薩婆遇五退緣流轉若生淨土逢  
五勝緣不退也○遇五退緣等者准羅漢五退具且述  
五緣實可無量云○大惡緣者如無顧忍人破他勝德  
難勢也○外道等者如彼外道相善亂菩薩法雜是雜  
亂謂正外道行相雜亂菩薩行相也○逢五勝事等者  
翻對五退且舉五種實可無量云據其行位等者言據

凡夫行位不可齊三不退分淨土地勝五緣強故無退失也○至于一代等者設雖惡人但隨良伴至于一代無惡緣故子々孫々隨爲善人麻中蓬屠邊廝例知云又迦才淨土論上云今依經論釋有四種一者是念不退謂在八地已上二者是行不退謂在初地已上三者は位不退在十解已上四者是處不退謂西方淨土也故無量壽經云彼土無有邪定及不定聚名又四十八願中云設我得佛國中人天不住定裹必至滅度者不取正覺既不退之言位該四種寧得舉一不退以定除三也問曰夫論不退須據行位云何依處得不退乎答曰行位不退由內無煩惱處所不退由外境界各據一

義奚足恠乎問曰前三不退經論明據此則可信處所不退既無文證何爲取信答曰今引毘婆沙論爲證如彼論中出六種姓人一者是退二者是思三者是護四者是住五者是曇進六者是不動如退種姓人縱得羅漢亦還起退乃至起三畏修道煩惱由根性需弱故此人雖體是退根此人若在欲眾人中逢五退具即退若生六欲天及色無色界中無五退具由處以無退緣故永不退也五退具者一長病二遠行三誦經四營事五和諍此之五種唯人中有天人等中無誦經等三雖是善癡入觀故退也准此例彼亦同可然如一切凡夫雖復念佛未至十解位由在外凡故體是退人不若在娑

婆穢土中由逢五退緣故即退若生西方由無五退緣  
故不退也五退緣者一短命多病二有女人生染六塵  
三是惡行人謂惡知識四是不善及無心五常不值佛  
也淨土中無此五退緣故畢竟不退也此引聖教證覛  
所不退明矣又據二經皆云往生者得不退不云不退  
人得往生也故無量壽經云生彼國者皆悉住於正定  
聚所以者何彼佛國土無有邪定及不定聚名也小經  
亦云衆生今者皆是取鞞跋致不云阿鞞跋致人得往  
生也猶如此間具三受人者若生彼土則無若捨唯有  
樂受也由彼處所無二受故已

此次良心上所引訖

迦才論文又外有解

一字下而  
分張之耳

迦才等者弘法寺迦才師釋三卷文也初標列四種  
不退故無量下別釋處不退○有四種者初三約機  
位行念即不退故是持業釋也後一約處屬不退土  
退位凡夫與不退名依主釋○故無等者經下卷云  
生彼國者皆悉住於正定之聚所以者何彼土無有  
等已上表不退故引遞詮畧表詮也○邪定等者十  
信以前流轉凡位名邪定聚十信外凡或進或退不  
決定故名不定聚初住已上不退佛道名正定聚○  
又四十等者引第十一願文此願約攝下幾所誓不  
退處不退上引成就今引願文故置又言又上成就  
局處不退下願文通四種不退故置又言欲○必至

滅度等者大般涅槃非小乘灰身入滅故寶積云若不叟定成等正覺證大涅槃者不取菩提已問文

有定聚滅度何爲願躰答住正定聚爲至滅度故以所至可爲願躰例如趣名唯房所趣不通善深外器中有又至滅度由住定聚故以能至可爲願躰例如能生爲生日願故成就云住正定聚故以能至可爲願躰不云滅度諸師皆名正定願則此義也又二同要並願何咎例如第十八願心行云○既不等云上引二文證處不退今述願文談四種寧得舉一處不退除餘三不退々位凡夫生不退土更乘願力得位行念三不退無量義經凡夫一生登第七地自力

尚尙況他力乎他方菩薩徃淨土登補處位豈非乘願得三不退乎○須據行位念三不退聚皆據菩薩行位次第謂十信位修行不得我等五法行諸難行久乃可得初位不退等也云何不依行相依處立不退乎○處所者在人所々不退處故云處所也又極樂名處是所爲所居故名所耳○外無境界者俱舍頌云由未斷隨眠及隨應境現非理作意起說或具因緣比淨土雖有未斷隨眠闕隨應境非理作意于舉一耳○六種姓者一退法謂遇小緣退所得二思法謂懼退失恒思自害二謹法於所得法能防護四安住法無勝退緣不退無勝加行不退五堪達法練

根速達不動六不動法不爲煩惱退動故依俱舍名因也○誦經通伏難意可知云○准此例彼者人中名此天上名彼亦同下例行者又准此穢土羅漢不退例彼淨土凡夫不退也○一切凡夫者通邪定不定云○有女人等者欲境之中女境最勝故別舉之云○不善等者准百法抄凡於心々所有善惡無記三性一善性者於此世他世作順益事中有殊勝力用稱可記別善故也二不善性於此世他世爲自他作違損名不善也於違損事中有殊勝力用稱可記別不善故也三無記性於善與不善益與損事中無殊勝力用可記別故名無記也非善非惡中容法也無殊勝

自財劣弱法也於無記有二類一者有覆無記雖於益與損無殊勝力用有與惑障俱故名有覆無記覆者惑障也隱弊聖道故名覆也有此惑障覆無記故名有覆無記也惑障即財中其力微劣無損自他之用亦名有覆無記也此二類俱名染無記也二無覆無記非與惑俱無無也亦名淨無記也於此無覆無記有四無記一異熟無記令々中極努力羸劣無獨生果力故必善惡所助善惡勢力生自無記於善惡業生無記果名異熟無記因是善惡果是無記也二威儀無記謂緣行住坐臥取捨屈伸等威儀惑自發威儀時無記心也是亦雖可有々覆中且於無覆

開之三工巧無記謂緣工巧境亦自發工巧時無記心也是亦雖可有々覆中且於無覆開之也四變化無記謂通果心中有無記法是名變化無記是住時限無覆通果非有覆法故也問於異熟無記因是善惡果是無記理不明因果是相順法必可同性何以善惡業種爲因感無記果耶答曰無記心々所能生曰緣種有二一親因緣是則無記現行法所留自言氣性也其性無記親辦無記之也此種子名々言種子二疎因緣種善惡業種者造作義也是第六識相應心々所造作薰自思惟此種子業力強勝故能有助他無記種之力而彼羸劣故無記法親因緣

種子其力羸劣故無自生現行之力故蒙彼業種勢力生自無記現行故此無記現行正親因緣種也離無記種子力劣弱故隱不論談勝助緣業種名無記果能生曰故名因是善惡果是無記之法雖然實能生種子是自無記習氣種子也云○又據等者更述處不退道理言此土未得不退凡夫生彼土已即階不退豈非處不退義乎觀經小經名二經也○猶如等者苦樂捨名三受此乃善惡無記是曰苦樂捨是果也依惡曰受苦果依善因感樂果故記善惡曰感苦樂果無記心無感果故無可記事也捨非苦非樂受也○無苦捨等者問極樂有爲無漏土故可右

行苦群疑論許有行苦今何云無苦乎 告人師意  
樂懷感報興許有行苦今釋及往生要集云無行苦  
故要集云唯樂受無非苦非樂受云若和尚意有漏  
凡夫得無漏果德樂故可云極樂淨土亦有變易義  
故可有念々無常行苦和尚意亦不可遮歟但廣略  
相入邊可無爲無漏云法事讚云人天雜類等無異  
則此義也

▲我依菩薩乃至全同今事

釋我依等二句中初簡對論偈釋文相次問答決疑  
初中已上良心鈔也

○謂彼修多羅等者彼論通依三經述五念行故云廣通

三經此偈別依觀經述造疏意故云唯局觀經問上  
舉彌陀本誓願極樂之要門既標大經今呼菩薩藏頓  
教名何局觀經故般舟讚云觀經彌陀經等說即是頓  
教告菩薩藏如何 答三部一輒同云頓教号菩薩藏不  
可異譯然今說偈爲觀經疏先結序偈所標菩薩頓教  
豈非所依觀經故云爲也不遽一微義通餘部云○藏  
教者指宗旨門云引下可辨也○無三乘異等者問大  
乘實談法性一理有運濟人令成佛功故名一乘故法  
花以諸法實相爲一乘法起信論以衆生心法定一乘  
鉢爾今可無諸法差別成一乘義何局三乘哉 告所  
問實余也故天台對三乘五乘七方便九法界差別成

一乘義然今且於運濟法中成差別也諸文亦尔也法華經云唯有一乘法無二亦無三比宗鏡錄云異者不名一乘三法不異具足圓滿名一乘已良傳意上聞持記云一乘者以運濟爲義究竟不二名一耶佛乘已良傳意上聞持記云一乘初二句無諸難功德成就穢土習有身有苦有心有憂身心而離身心惱受樂無間此爲大乘善根器也大乘以下四句大義門功德成就大謂大乘弥陀內證義謂所以大乘即有成佛所以其所以者佛願強緣也門謂出入即指淨土即入大義門也○無機嫌筆者即無離牚離名譏嫌謂淨土德有大來心即無女人根缺二乘名牚謙嫌其相如註○由國濁等者言由五濁成四顛

倒謂依常見生常顛倒依見取見生樂淨倒依我見生我顛倒此四倒能障大小然大乘四德其名言同能所難分故用小乘無常受皆苦法無我身不淨四真諦觀能所分明易治四倒故分一乘說三乘也法華疏云問五濁何故障大不障小答衆生濁重妄計五陰爲四德故名問當我即執非爲是舊醫頽駭不知乳之好惡不知病起根源不知藥餌開濁所知曉故濁障大文云我若讚佛乘衆生沒在苦即此義也若聞無常苦空即厭生死欣涅槃破其邪計執故五濁不障小文云即生此念時十方佛皆現林音慰懺我即此義也問五濁若障大莖嚴中未除濁而者何也答此應四句分

別一大業根利障重以根利故重障不能置此土華嚴  
初聞大乘者是也二根利障輕三根鈍障輕他方淨土  
聞大乘者是也四根鈍障重如此土身子輩除濁方聞  
大乘者是也問五濁隋小不答此就小乘應四句  
分別小乘根利遞輕障不能身子是也根利遞重障亦  
不能障騫崛是也根鈍遞輕亦不爲障盤特是也根鈍  
遞重此則成障不聞小乘不得度者是也已今淨土門  
大小根鈍五濁深重即遂往生是他力故也○是故願  
言集者問六八願中何願耶答見願文無如是一  
願是取意也謂依第二十一具足大人願無女人根缺  
依第十一正定聚願無二乘心既無女人根缺二乘彼

國衆可皆是一乘道理分明又鑾師依第十四聲聞無  
數願判他方聲聞到極樂成願是豈非皆是大乘或○  
一味等味等者註云實相真理名爲一味諸相即是故  
名等味上又有本云皆是大乘一味平等一味已若依  
此本離駢譏嫌名大乘離名譏嫌名平等一味已○根  
敗種子等者初述離駢不生言可置殘缺下是影畧互  
顯也名字亦斷述離名者○本則三々等者坂下付此  
存二義一義云三々者體三名三也一義云九品有那  
無耶諦小坂云無當流云有然今註云九品無々遇大  
遇小遇惡名也非無位次第者○漕漚者玉云漕才倒  
反水轉運澗市陵反水名已○既是一乘者有云今頃

教一乘非無三乘異一乘名一乘也

云此義念佛名一。

和尚解釋中何哉但

但

サレハ練魔一義

鎮西上人被仰

事是非智義也頓名菩薩藏名皆依他經論何限一乘

此宗初可存名号一乘云義哉

問淨土既有三乘機

法經亦說小益何

答和尚云就證果之終感師大乘

菩薩假云就小名也故無失

○問若言等者問答有三

番初問舉三文難意此土教席交小益彼土得益亦雜

小益故可三乘教淨土何云一乘答會有三文初會父

王益竟者觀經正說定散二善往生成佛也父王小益

序分光益非正說益

云次會大經小益中二先非經釋

廣顯益相次正舉大乘益

云次正舉等言良心反之

又有解說一字下而書

之

次會中下正會所難初中○無量衆等者世饒王佛

會菩薩聞比丘唱願緣滿大願今會無量衆生亦聞

法藏發願成覺欣彼曰果德云發正覺此發心對下

得不退轉十信位

已上良心抄也  
然不見今記

法眼淨者是初果也斷界三見惑見四諦理故名法眼

淨也○那含者第三果聖者也此云不退斷欲界修惑

還不生欲界故云不還也○漏盡者第四果也盡三界

漏諸智圓滿故名意外客也○得不退等者大根衆聞

弥陀願行果德名號大利無上功德深妙位階三賢具

弘誓德

達期

正覺又得不退發別願如緣致滿足無量

大願云

良心無云字尚有解狀一字下書之

彼云如緣致滿足無量大願別益次者十信外凡發心淺近故安最初小果是聖位故安次得不退轉大故安終問發心不退俱是大益何文小乘答小乘得果有與奪義或屬邪地或同三賢今安中間此謂也問今經先舉不退次舉發心何違乎答經令異說如小經不舉益如今經初舉勝如大經初舉淺如彼分別功德品初舉發心終舉隣極斯乃今經韋提當機爲正機

已上良心抄也

威德廣大者因果自利德名威德利他功德名廣大也

此次良心解狀一字下而書之

○慰果者慰是成也會所難中○佛說等有佛說穢惡本意偏爲厭<sup>病</sup>欣淨不爲餘事然其小機厭心深立無漏智起得小果無欣淨志大機誓濟度期成佛不爲欣淨說成思不爲餘事云既不別說○如彼等者爲法華令知諸法實相說一法出生無量義所出中有七科小法小機聞之棄背四倒時證小果此人既聞一法出生粗生大解至今經聞諸法實相可歸大故證果故證果時分云暫住三道四果也

已上良心解狀一字下而書之

○三毒五惡等者貧嗔癡名三毒殺盜婬妄飲食名五惡由犯惡過遇王法牢獄等困苦名五痛亦墮地彼火燒名五燒也

此次良心解狀一字下而書之

大經下卷廣說此相也後會中三品小益分文爲二  
初述今家鸞師感師三師不同二已上三義下安判  
三義同異初中二初標列三義二先今下釋三義  
今疏王故最先舉之別号今家則此意也三義列次例  
師義何近次耶 呂今師義道故最初舉之又和尚是  
常苦空小已發大心趣求佛果故非小機故云彼土有  
法無機例加漸次止觀行者雖知實相以難解故即先  
修小法方達實相云○一云若等者問先可舉高祖鸞  
師義何近次耶

大經下卷廣說此相也後會中三品小益分文爲二  
初述今家鸞師感師三師不同二已上三義下安判  
三義同異初中二初標列三義二先今下釋三義  
心抄良也

廣集諸說可有三義等者初義意土離一乘由本願暫  
說小法令住小果故云彼土有小機法雖證果而灰斷  
情即轉向大歸一乘故云一乘也次義意彼眾聲聞穢  
土證果無繫練故生無漏果期大菩提仍本名小又有  
彼土聞四諦法新得果文四諦證果其名雖同其義異  
故非小機法佛名羅漢法華入實名真聲聞則其例也  
凡作知苦斷集證滅修道之教名爲小法見修斷盡不

如彼列釋梵護世○今家者中三品釋許小乘益又約  
上輩釋二乘種不生義云先證小益則此意也○准依  
觀經等者和尚釋中雖無引用智論之文和尚定可見  
智論故云准依等又非言和尚依論文准依觀經智論  
述今家義也○無三乘等者雖可云二機等從懶云三  
乘也別述今家義中初引文成義次問答決疑○聞衆  
音聲者准普觀文可通於正說法音聲云○又智論等  
者問何以知此論所說彌陀極樂教主誰知同名異財  
彌陀故超玄記用云今世傳三十六万億一万九百同  
名阿彌陀<sub>已</sub><sup>佛</sup>又三千佛名經處之說無量壽佛已答  
諸教所讚多在西方極樂彌陀若別如彌陀經可加別

名既無別名知今彌陀也况論文合說願成就觀經中  
輩何存異途是以本朝永觀澄憲觀以智論彌陀爲西  
方極樂教主<sub>云</sub>問智論文合中三品說定彌陀願六  
八願中何哉答永觀阿彌陀經要記第四十六聞法  
隨意願<sub>云</sub>澄憲四十八願釋第十四聲聞無數願<sub>云</sub>要  
記云問曰何以得知彌陀說三乘法答曰大論云諸佛  
初發心時見諸佛以三乘度衆生自發願言我亦當以  
三乘度衆生<sub>已</sub>上問曰若依本願說三乘者何故四十八  
願之中不明說耶答曰第四十六願云設我得佛國中  
善薩隨其志願所欲聞法自然得聞若不尔者不取正  
覺問曰彼說三乘者何論云大乘善根眾答曰彼土雖

說小法而以彼不究竟故言大乘善根界已上要記

問第

四十六願爲菩薩說大乘法何云爲一乘哉

答所欲

闡法何障二乘雖有二乘從勝普薩或經轉俗大乘之終名菩薩沙叉透四菩薩依本執可樂小乘故無相違

云。問諸佛以三乘度衆生淨穢中何。答是諸佛於

報淨土有此儀故彌陀等亦因位見之爲本願欽又跡

陀等土稱報土引五乘中有小機故見機土佛度三乘  
義爲本願教

次問答決疑有三番中初問意執穢土二乘局情各

別淨土有小乘法也答中爲二初述義趣次例如

下舉例成義初中亦二先以本願爲由成義次莫謂

THE HISTORY OF THE AMERICAN REVOLUTION

卷之三

下觀胡者情竊封谷或  
紀上良

一宇良子丁一  
一宇昌子丁一答雖一乘等者問此答進退有疑滯歸一乘轉向大前

有小機法故彼土可名三乘土又以終轉向大乘故

乘土者此土亦可名一乘土余前小機終來法華歸一

乘故。乞弘决一。云若至方等必到法華。比如何。答安。

養世界一乘土故雖由本願暫有小益無灰斷情故不

爲失。如無量義經涅槃經雖有小益解圓故不名三乘

教如所難者彼淨土可是應化土五乘生故若言雖報

土由本願故五乘入故非化土者雖一乘土由本願假

有小益故非三乘土但至例難者彼國漢故有小機法此由本願於一乘土暫有小機是彼期滅度有灰燄情

釋叢三云二乘之於法華前生滅度想上此期大乘無  
灰斷情淨影疏云於小不住必還入大是彼濁倒強有  
歸圓寂補正記云於初味中無學之人即便入滅不到  
法華已上此由住正定聚願力無歸無餘是彼有小機益  
爲國失此有小機爲淨土竒令歸大故四既是有此異何  
例難哉云○鋒椎者是相違義也大國一人賣鋒椎若  
人買鋒時鋒利可破椎讀也買椎時椎堅千鋒不可破  
讀也有相違例證也云○如穢土二乘筆者穢濁常樂  
四倒強故聞心無常等四直說即期灰斷淨土不爾故  
彼土下簡對四倒強云慰誘穢息簡對期灰斷云無灰  
斷情對迴心難云易可迴心也惣而下惣舉土機相正

成答也問何妨約穢息邊且名三乘土答土既一  
乘也機本期大灰斷情由何可名二乘土若如難者無  
量義經說小機法故且可名小乘經也理豈尔耶○方  
期佛果者問於何處期耶答指轉向後穢息小果  
無灰斷情故易迴心即轉向大方期佛果云又華闍時  
聞衆音中即聞一切皆成佛旨雖期佛果而小根故先  
修小法穢息小乘無灰斷情轉向大乘如彼漸次止觀  
行者云問中輩經文直說聞四諦法證小果不明聞  
大故下文云到彼先證小果證已即轉向大等何皆經  
釋云轉向大前期佛果哉答若經不說聞大乘故不  
聞大云者下八品不說三心故下八品人無三心耶道

理然故有三心者今亦然大乘法鎮演大乘設雖小機  
何不聞之是以水觀經文雖說小法釋並舉大小法地  
觀衆音說大小法唯知中輩聞衆音聲可通大小然彼  
經釋且從本執舉小益相畧聞大邊云○例如彼離等  
者彼化淨土今報淨土報化雖異如一乘土由本願說  
三乘法義邊例同也彼攝論等以變化土例報土差選  
擇焦舉通報化釋成輩品別今潤色也○疏云等有法  
華疏五云土淨唯一酬願說三耶施耶瘞問何處願  
說答准大悲虛空藏經於六十劫行菩薩道因波羅  
門乞眼退時願成佛日開三乘法云○妙記者淨名記  
名妙記又一云上品不須開漸故云因願乃可有說香

積無願故不得說不聞故來問也如安養眾樹說苦空  
人開羅漢既不云願驗土非高比三乘雜居爲下唯一  
衆名上品云○問五乘等者問意先是五乘齊入而難  
生後小益及無灰斷次是離垢塔無機有法難今淨土  
有機有法○道運等者付法華疏作十卷書名補正記  
但遂本願雖說小法彼淨土無小機故云非被權機彼  
土菩薩聞說小法即行余土度苦衆生云○嘉祥等者  
法華義記十卷書也○答安養等者答中爲三初標安  
養一乘所依二但彼下述彼小機無灰斷情三次離下  
會離垢難問此中不救何入一乘土後更證小果難  
意如何答次上答云雖一乘而由本願暫說四藉其

理兼成故今述無灰斷情義云又但彼下逆彼難耳○  
但彼國中等者穢界由濁四倒起故有灰斷情淨土無  
濁四倒不起亦本期大故無灰斷云○本期在大者問  
大乘指何處哉答指此土也謂中輩雖受小戒不期  
圓寂歸大乘佛欣大乘土豈非此土本期大乘如彼鹿  
菌證果羅漢到方等會被彈呵時迦葉啼泣振音三十  
善吉忙然擲手一鉢台家釋之或判耻小慕大或釋冥  
成通人故記五云諸聲聞人雖在方等審成通人未合  
彰言云小入大上約冥機邊尚判慕大或釋通人況今  
正歸大乘依正而遂往生本期在大顯著者乎或華開  
時可論本期在大之義其義如上方期佛果文二乘人

見淨土經說聲聞成佛云○如言蘋心等弘決三云涅  
槃意者彼經四教皆知常住故本意在圓權用三教以  
爲蘋息實不保權以爲究竟元意知圓是故相即龐心  
若息還依頓觀云彼經意說一切衆生悉有佛性機俱  
解了常住佛性旨故云解圓權然亦爲漏法華開會後  
來小機更說小法開會或爲末代小機說小乘法此云  
偏被末代亦云扶律談常小根性人聞此小法暫住小  
果云行漸等釋義二云涅槃解即而行不即上弘叟一  
云體不二故名爲即上又天台有三種止觀皆是大  
乘俱緣實相由三根異聞三法門一漸次者初實相以  
難解故漸次行之先修歸戒翻邪向正止火血刀達三

善道次修相定止欲散細達上畏道次修無漏使三界  
獄達涅槃道次修慈悲止自證達菩薩道後修實相止  
三邊偏達常住道二不定者漸次圓頓更後互淺互深  
或事或理不專一法故名不定三圓頓者初緣實相造  
境即中無不真實繫緣法界一念法界一色一香無非  
中道已界及佛界衆生界亦尔云漸次中有歸雖戒禪  
慈悲實相五重同緣實相故名大乘淨土小乘機法准  
知云○玄賛云等者慈恩法華疏十卷書也經品說  
華光如來云劫名大寶莊嚴何故名曰大寶莊嚴其國  
中以菩薩爲大寶故上問如弥陀由本願攝五葉故  
國有小乘故雖一乘國以本願說三乘法雕塔世界既

一乘國由何有二乘權機耶 咎由乞眼退菩薩行時  
哀小機故如彌陀願於一乘國願小機法今記病藥相  
對成義則此義也○問大阿彌陀經等者問意大阿彌  
陀經般泥洹小乘入滅得心難也咎中二初般泥洹約  
大乘成咎次或此下般泥洹約小乘灰身入滅成咎初  
意第十一願云設我得佛國中人天不住足聚必至滅  
度者不取正覺已雖約人天意生彼諸乘通德故願成  
就云其有衆生々彼國者皆悉住於正定之聚無諸邪  
及不定聚已依此道理淨土論立大義門功德成就云  
二乘種不生論註舉聲聞無數願聲聞成佛爲願意成  
二乘種不生義也依此文理大阿彌陀經般泥洹去大

般涅槃非小乘灰身入滅也是以同經下文泥洹言屬  
大乘云○贊飛蠕動者畜類名也又群疑論舉五趣往  
生經文中處胎經龍子受戒往生即此類也此已下有  
二義初五姓各別永不成佛情計次約小乘飲樂情計  
此二義俱赴機說非經正意耳○彌師烹等坂下問  
付此彌師釋淨土有聲聞云々他方來聲聞淨土云無  
生立聲聞然中三品機生淨土證小果是生立聲聞也  
如何可會通哉答彌師意中三品機全分不會釋故  
未學不及會通但有人灑彌師有會通其文本則三々  
之品今無一二之殊釋是也此釋淨土無九品云然中  
三品小果實義不可有之於尤有不可云有生立聲聞

但此義有背當流失私存此義一分有謂欵但違當流  
事可會淨土有九品云事述和尚意曰事也彌師實無  
九品得意給論註淨土無階位云十地階次釋迦始來  
於穢土一應化道也等云○今我世界等者藤田問大  
經所說本願中當何願耶答第十二願文意欵又  
彌師以聲聞成佛即爲聲聞無數願意成二乘種不生  
義故約聲聞無數願意說令我等歟有義坂下云指第  
十四願欽彌師以聲聞無數願約聲聞終成佛道故云  
○除一切智者藤田如台家三智中空智名一切智今  
指佛智名一切智佛智可知菩薩數量故云除也又二  
乘等不知數量盡不盡云無能數者佛知無數故云除

欵○彼佛世界等者初懇述莊嚴如王所願次無量下  
別述依正述依正如王所願等無差別無諍念王名爲  
大王○佛之世尊者佛且約名世尊約義故云之也又  
別舉十号中二号之是字助云又王所願依正齊等無  
勝劣云等無差別○有病則有等者由濁四倒起譬有  
病四真諦觀喻有藥也○諸聲聞等者言二乘人斷人  
執而證人空故不生三界未斷法執得法空故必應有  
生故生淨土問三論宗等斷無明人生報淨土人執  
斷位生方便土然今何云二乘生安樂報土耶答今  
釋且判二乘自然生淨土義其實可述佛願攝義故次  
下云聲聞以實際爲證計不應生佛道根芽而佛以本

願不思議神力攝令生彼後以神力生其無上道心上已  
○譬如橋栽等者振且有淮河々南里名江南北里名  
江北河洛者城名也肆者市藏讀此市町也言江北寒  
國橋栽不生江北都城市町有橋彼淨土二乘種不生  
他方聲聞來生無妨云○經論則會者說云不生約土  
躰德說安樂有二乘經論約他方來各據一義無相違  
云經論則會云○今試解云等者初依淨土論意成義  
次但中下會所問經論初者廣畧相入彼土教相故依  
正悉從一法句生還歸一理是故衆音所說四諦即大  
乘法非小法也問中輩經直說四諦證小果無即摩  
訶衍說何背文立義哉答大經下云無量壽佛爲諸

聲聞大眾班宣法時心解得道佛眼具足覺了法性究竟一乘至于彼岸遠離聲聞說覺之地取意二乘開會在文分明也三經通申淨土論明廣略相入依此等意中輩衆音讚歎四諦即摩訶衍中輩機雖開會說期大乘益本習小故暫證人空假名四果有何妨哉云○般若云者說法開會四念處等七科道品雖小法即說佛因也法華人法俱開會說諸法實相法開會也說一切皆成人開會也法華玄九云又般若中明念處道品皆摩訶衍貪欲無明見愛等皆摩訶衍善惡之法悉皆被開會已上問如台家般若明法開會法華明人開會故念處道品所開權法何同淨土假名二乘哉答取即

摩訶衍句成小法即大法天台造四念處四教書釋四教四念處中圓教念處假名躰圓可類淨土假名二乘法云○假名四果等者大乘益上假立小名故名同小其躰大乘也信解品云我等今者真昇聲聞以佛道聲令一切聞已上嚴王品云得法眼淨已是假名證也○或轉化等者彼土一乘無小機法然爲化他方苦衆生發三乘願如嘉祥云轉化餘方又勢至觀三尊分身演說妙法度苦衆生和尚釋云覺動菩薩大悲又止觀云香積菩薩權法未熟是故經從已上一乘國中若不願權國中善苦權決未熟有遊學勞故願三乘救他方苦也○或設立三乘等者爲令小機開會小法即摩訶衍立三

乘名爲以三乘度衆生義也述感師義中○有四義等者第一義意緣覺與人天名二乘緣覺出無佛世界無師獨悟故人天流轉生死凡夫不生淨土故云不生第二義意聲聞緣覺名二乘但不生者約定性二乘彼有聲聞約不定迴心類也第三義意於二乘中有愚法不愚法二類愚法人不迴心向大願生淨土故約愚法云不生也第四義意泛迴菩薩先斷人執雖住人空爲趣佛果故云二乘種不生也取意  
眾抄○彼以迴心等者二乘人迴心向大然依前執心先斷人執煩惱故且雖與因果名既迴心向大故泛迴菩薩也故云二乘種不生也○人法二執者煩煩障名人執所知障名法執二障種

子名正種子氣分名習云○彼爲先是等者菩薩初地入心斷二執分別所知障俱生十地間地々斷煩惱障俱生等覺後心一時斷然今泛迴菩薩本自業但期斷人執故雖轉向大乘依本習先斷煩惱障分別俱生故假與四果名也中上中下機云彼婆婆云先也○阿羅漢名者依淨影釋有三義一阿羅呵此云應供二阿羅呵漢此云殺賊三阿羅漢此云不生聲聞極果同佛具此三義也○以佛見得等者如信解品云我等今者真阿羅漢於諸世間應受供養已上唯識論三云此中所說阿羅漢者通攝三乘無學果也已上○在七方便者顯中輩位小乘三賢四善根位名七方便此異和尚流轉凡

位也三賢者五停心別想念處惣想念處是云三賢六  
者爲無理聖道成方便可叶聖位賢行故名賢也是外  
凡位也五停心者一數息停心是行者最初欲修四諦  
觀法心麁動不叶故數出入息滿十打捨々々觀裡自  
然治心覽觀也舊譯言也新譯云尋伺也二不淨停心  
是觀五種不淨治四種貪欲也五種不淨者一種子不  
淨謂父母赤白二滯種子成人躰故不淨也二住處不  
淨謂十月間住母生熟二藏間也三自性不淨謂我等  
身內有諸不淨也四自相不淨九穴流出諸不淨也五  
究竟不淨謂我等死後身肉分散喚穢朽落不淨也四  
種貪者顯色貪形色貪妙觸貪供奉貪此云四種貪也

三慈悲停心是治嫉妬病觀也一切衆生嫉妬心起無  
慈悲心故也慈悲者親疎怨敵衆生平等思云慈悲也  
四曰緣停心是治愚癡也曰緣者十二目緣也所詮但  
因果二也不知因果云愚癡也作惡業因行惡道作善  
業因感善因果出生死知名智惠不知此愚癡非失哉  
云是所以々々云念佛停心是治障道修行時諸魔障  
之念佛三十二相等除障佛道魔境也其故佛成道時  
具降魔德成佛故第二別想念處者身受心法四一々  
觀不淨苦無常無我別々觀之云別想念處者念謂能  
念也處謂所緣境身受心法也新云念住舊云念處也  
行者念令住境故云住也此觀治常樂我淨四顛倒也

第三惣想念處者身受心法四物一觀不淨苦無常無我等故云惣想也四善根者煩法頂法忍法世第一法也此位名盡根事聖道近方便故別此四云善根位也此內凡位也此位成佛法內人而未斷惑凡夫內佛法內凡未斷惑凡夫云事也煩法者此位無漏聖火氣分少起故云煩也此觀四諦修十六行相云頂法者俱舍云從此生煩法具觀四聖諦修十六行相云頂法者俱舍有二釋一煩頂二善根俱名動善々中此位最頂名頂法也譬如人頂二煩法退位忍法不退此位居中間故名頂法譬如登山頂明觀四方此位觀四諦十六行相事明故頂云也忍法者忍謂堪忍言此位於諸惡境最堪

忍無退轉故名忍法釋云堪忍樂欲故名忍法已上於此位有上中下三忍者其中下忍中忍同頂法具觀四諦修十六行相上忍位唯觀苦一行也於中忍滿有七周減緣二十四減行云事云世第一法者此位有漏云世夕間行中此位勝云第一此位有漏而引起無漏故云此第一此位苦一行觀也俱舍云上唯觀欲苦一行剎那已○見於四真諦等者間滅諦是理也何云四真諦理哉答分因果時出出卑名滅諦理雖然餘三諦惑迷無我理故斷彼時有證理義也○非住彼道等者今釋透廻共陞斷道故指芟定聲聞斷道云住彼道彼聲聞見惑斷位名頑流果修惑斷盡位名阿羅漢透廻

菩薩人執斷同彼斷道故立四果名也○漸頓兩人者  
小機迴心向大名漸悟菩薩又名迂迴始終大乘名頓  
悟菩薩亦名直往佛爲顯此兩人迂迴云聲聞直往名  
菩薩也○因聲悟道等者於淨土聞四諦聲聞教得道  
果云曰聲悟道往生以前七方便位云援本耳又在此  
土曰聲教入七方便云曰聲悟道復本等欵問三乘  
同聞聲教悟道故法華云爲末聲聞者說應四諦法爲  
求辟支佛者說應十二因緣法爲求菩薩者說六波羅  
密法比今何偏弓耶答三乘相對聲聞鈍故必聞聲  
教得四道果故名聲聞緣覺利故無師獨悟故名獨覺  
但法華者於緣覺有聲聞悟道無師獨悟經約聞教今

對獨覺故非相違云○所聞所得等者實行聲聞住灰  
斷思聞四諦故成小乘益迺迴菩薩期大乘聞四諦故  
成大乘益四諦雖同安心所引成大小益如妙樂云戒  
無大小由受者心品已

次良心有一段  
次一字下而書之

然而菩薩等者直往名菩薩迂迴名二乘直依一理  
名非安立諦觀依四諦名安立諦觀安立者假立義  
也生空者人空名也直往依一理證人空迂迴依四  
諦證人空云觀智別也已上下判三義同異中有二  
義已上良心此解眾不同今見  
故爲對見書此自見今見下

用非安立諦等者菩薩唯觀一實理不立差別故云非  
安立諦聲聞分別世間出世因果觀四諦故云安立之

今者假立義然直徃菩薩觀二空一會故可云證生法  
二空理今泛廻菩薩先斷人執證人空理故云證生空  
也○已上三義同異中有二義初一徃義次再徃義謂  
三義相異爲始別義相雖異用四諦觀無灭斷情義邊  
同故云終同也中三品人間四諦聲無灭斷情暫住小  
果故今家訛證果邊強爲有機法若約本期大乘無灰  
斷情可屬二乘不生鸞師約無灰斷邊屬二乘不生而  
斥譏嫌若約證人空邊可同今家證果上訛能開會云  
無小機法今訛所開會云用四諦觀云感師爲~~起~~無上  
菩提住小果義亦同今家本期大乘暫住小果故云三  
義始別終同也又今家意中三品人既得生淨土期佛

果雖然證果後正修菩薩行是正爲轉向大乘感師爲  
成無小機義約證果以前云趣求佛果若然二師意全  
同也問若然者不可有二乘心何約證果已後會通  
二乘不生哉<sup>答</sup>淨土人應期佛果道理必然也雖  
然證果時有四果名直難云不生故約證果後也故云  
義云<sup>斷</sup>彼先證小果證已即轉向大轉向大已去更不  
退生二乘之心故名二乘種不生已問感師意證果  
已前迴心向大既發菩提心何名小機哉<sup>答</sup>從行法  
若從本可名小機況得生已後發心已前全同大乘意  
也○若依三說嘉祥等者<sup>坂下談</sup>一乘宗々各別也若  
依天台臨門三車臨火宅門羊鹿牛名三車前超大白

牛車名一乘也云華嚴意圓教中立同教一乘別教一乘  
乘勝海果分時不可說也曰分果分如波水也○法華義疏者分文爲二初述異名二但責下述異同義○昔爲直徃等者法華以前諸大乘經菩薩處云得入云昔指華嚴云始見我身聞我所說等天台云初後佛惠圓頓義齊上○但昔作等者法華玄五云至極大乘無過華嚴大集大品法華涅槃上華嚴經說法界唯心大集經說混同無二大品經說盡淨虛融法華經說諸法實相涅槃經說悉有佛性於大乘顯義同立異宗意是也○但有二等者於濁世中若大機熟獨示一乘故非迴二若機未熟先與方便機熟以後更說一乘故云迴二

同義疏引經云聲聞緣覺皆入大乘云○問說小乘等者問意者壽觀兩經無量義經涅槃經等一乘教中說小法故致此問也答中初約菩薩利他行此義亦兼轉化餘方意也次約開會義耳次問意約傍依經諸經散說中說彌陀教文可名一乘哉也答中○靈芝疏上等者觀疏也此經中明徃生成佛發起羣提得無生忍凡夫順次報土即悟無生速到果地即是他力圓頓一佛乘法也以此經益准知一代所說彌陀教文皆是圓頓一佛乘法也○教觀者是相從今經觀字一代彌陀教文置觀字歟或觀知義也見教文知文中義故問依台家教理智斷行位因果俱圓融無作故名圓教今經

雖明淨土成佛捨穢取淨捨諸行之念佛三輩九品邊  
地隔別故是別教權門何云圓頓教哉。答難勢偏係  
天台一家未辨淨土他力宗途若以今門他力攝生捨  
劣得勝判屬權門汝別教明凡夫即身得無生哉又明  
具縛底下凡夫生報土哉又有凡夫速得菩提經說哉  
若有出之若不尔者別屬何謂只執隔歷談不知他力  
極致豈非失哉彼談自力妙解爲機故談圓融今對遍  
計機明願力損生肯故有隔歷相若約佛見真俗相融  
全異隔歷不融義門故和尚云悲心無盡智亦無窮悲  
智雙行即廣開耳露因茲法潤普攝群生也比淨土論  
述廣略相入則此義也彼圓頓教指深理故望底下機

則成理深解微失故今時難證今弥陀法佛果圓德全  
顯名号願力加故教漏計機今生報土明此義門何以  
有相隔歷談屬權門哉非常人耳則此義也○慈雲法  
師者這式寺慈雲法師也靈芝觀經疏引慈雲釋欵○  
括盡貝書者是梵本經書貝多羅葉彼葉莖亦葉黃色  
當世大般若經爲黃卷朱軸即彼葉卷貌也言梵土小  
乘經蓋見云也○無一字等者小乘經中雖明淨土是  
爲大機蜜意諭不闡小機故云無說耳○又小乘中等  
者約有部意經部意明十方他佛是限穢土不明淨土  
云一歷耳根等者同小經疏云問四字名号凡下常  
聞有何能超過衆善答佛身非相果德深高不立嘉

名莫彰妙躰十方三世皆有異名況我彌陀以名攝物  
是以耳聞口誦無邊聖德攬入識心永爲佛種頓除  
劫重罪獲諸無上菩提已上今一乘與法華勝鬘等同  
異如何 呑化儀且異法體必同也同者一乘理躰雖  
無二別因果性理隱顯是異也故釋論列四衍四生妙  
法華含五差權實然聖道門自力觀達已心妙理今淨  
土門深憑無上涅槃體用自力一乘爲機所顯淨土一  
乘能救凡愚兩法天隔也首楞嚴經說衆生因分如鑄  
金始來果德如純金已上妙樂判三千在理同名無明三  
千果成咸稱常樂已上同者因果雖別其躰豈差別故法  
花分五差而說唯佛與佛乃能究盡諸法實相妙樂亦

判三千並成俱躰俱用已上又約化儀淨土一乘雖開五  
乘而依願緣令遍計機人報國速致果地豈不超過法  
華調機入初住談哉云

良心委叔藤傳  
一字下而書之

法華筆者法華疏九云勝鬘爲一明一法華會三明

已上言勝鬘經爲一乘機直說一乘法華開會三乘權  
機說一乘也阿輸闍國支勝大王夫人勝鬘爲始國  
中七歲已上皆悟一乘云塔中初判二門異同相次  
於聖下因述聖道門亦有同成初中初直判異同相  
次又約下更通伏疑初中初標次異者下釋約事相  
名異約理姓名同如云理躬無著々約事用云釋異  
中初約相成性異次然下述化儀異○因果等者彼

一乘捐十界性故曰果隱顯今一乘指佛果德唯果  
唯顯故云斯異又混曰果於已心無明所覆故云曰  
隱今局果德故云果顯云○釋論等者起信論云有  
法能起摩訶衍信根已上能入門法云有法所入理法  
云摩訶衍門法作業云能起信根十信及賢聖云信  
根也又云摩訶衍者物說有二種何爲二者義所  
言法者謂衆生心是心則悕一切世間法出世間法  
依於此心顯示摩訶衍義所言義者則有三種一者  
躰大二者相大三者用大比釋論一云衆謂四衍衆  
生謂四種生是一法界心遍於彼八處已上如來菩薩  
聲聞緣覺名爲四衆悕諸聖盡胎卵濕化名爲四生

攝諸凡盡○妙法等者玄義言十法眾束爲五差一  
惡二善三二乘四菩薩五佛判爲二法前四是權法  
後一是實法細論各具權實已上○然聖等者玄義二  
言南岳師舉三種法謂衆生法佛法心法若廣衆生  
法通諸因果及一切法若廣佛法則櫛果若廣心法  
則櫛因但衆生法太廣佛法太高於初心爲難然心  
佛及衆生是三無差別者但自觀已心則爲易已上  
略鈔  
○今淨等者凡一乘者四本性也然今淨土一乘躰  
者獨指彌陀果海本性彼佛本性雖融凡聖櫛其曰  
願悕物異余何者彌陀所證本性名爲法性法身亦  
名畧一法句此略一法句照用無邊名爲方便法身

亦名廣二十九句以此廣略引不緣者此世後生攝  
益最勝至極無生寶殊名号聞之唱之懶重述防即  
時消聞即生淨土無生莊嚴依正色聲見之自入本  
須臾即顯此土證悟自磨觀智離邪情已然後得之  
非彼本性能救人又諸經中談佛功德彼惣功德非  
別願法今此彌陀廣略功德本願所成令諸衆生疾  
達心眼云○故首等者聖道一乘指十界性故屬因  
分如鑛金同名無明淨土一乘指佛果德故云純金  
咸稱常樂

此次連續問答解說出  
此見故一字上而書之

問聖道一乘通曰果故約果德彼純金常樂也淨土中  
約機無明所覆如鑛金何偏屬哉 答論二門儀互通

果固然彼觀心混果德於自心故屬因分無有出離之  
緣罪惡機深憑彌陀一乘他力故屬果德云然聖道實  
教雖云斷而不斷尚不遺遍計情機益不成故智證云  
諸教之中斷惑成佛只是遺於遍計執上淨土門意押  
遍計情爲報土機諸家超過妙談也

此字下而書之

妙樂等者十界各各具十如是十界百如十界互具  
百界千如五蘊世間衆生國土世間具百界千如故  
成三千也四重釋意三千在理約唯理性是理即分  
天台釋云介介有心即具三千則此義也三千果成  
約唯異德究竟即也三千無故迹門諸法實相之  
意煩惱即菩提生死即涅槃天台釋云當位即妙不

改本位則此義也三千並常造既本有無作之意煩惱即煩惱生死即生死理躰名躰功能名用躰用融即名云俱也○唯佛等者究盡諸法實相源底即唯佛能開示悟入佛之智見則此義也又約已下更通難之々意云且玆化儀法華淨土俱有五乘開會之儀云異乎故約迹門成會通也法華開會直玆證理故一實觀智一大弘願爲機相開會即有二重初約生滅陀以願攝五乘階歷之機情齊入報土與彼約證理華開以後見佛聞法即證無生速致果地異調機入初住也○遍計機者聖道實教乃至妙談也  
言乃至者出此見前故畧而云乃至○或同等者介前一乘對二名一

故云或異迴二乘權歸一佛乘故云或同已上良心抄也  
▲本說偈有發真抄云偈者梵言正云伽陀或云室慮迦此方當頌上○論言等者淨土論云與佛相應故判同異也○寶性論者堅惠菩薩造一卷論也云▲本恒河者發真抄云恒河者即恒河中沙此河長八由旬廣四十由旬其底甚深沙細如妙水白如乳已上良欽云恒河正音號伽乃是神名或翻天童來此河長八千由旬廣四千由旬沙細如麪云○亦六通如下者指序分義記云如下六通言惣意在天眼天耳他心又指記十四卷欽○無尋智者二乘作意時知不作意時不知佛作意不作意俱知故一無尋智也○答上惣

請加等者上請加爲見佛徃生也故云上物今請  
加限造疏故云今文別云就二尊教有二義初二會一  
教次有云下二尊二教也初意云先限觀經次因通三  
經此二紓釋迦弥陀述二尊義後約諸經釋迦諸佛成  
二尊云○從惣之別者上請加通見佛造疏亦通所化  
故云惣今限造疏局能化故云別也○大小阿彌陀經  
者大者大經也小者小阿彌陀經也○海東者處名也  
華嚴宗人師元曉釋也○靜邁者人師名也

段狀一字下而書  
之然不見今記

此次良  
心有一

一義等者言二尊局釋迦爲極惡設念教故異上二  
尊義且諸佛爲善惡機設定散教且約釋尊說佛事

一往雖可二尊教再往言之約濟重苦釋算本意依  
弥陀願二尊教之深意可局釋迦弥陀二尊念佛徃  
生教門而已悲華經意現在賢劫千佛出世余佛皆  
出好世度生經尊獨出百歲濁世未化極惡機劫章  
頌六万四万二万時物留那含迦葉興百歲釋迦牟  
尼出則此義也隨願經云十方淨土實無差別令諸  
衆生專心有在是故讚歎彼圓土耳上大經云當來  
之世經道滅盡我以慈悲哀愍特留此經止住百歲

已上  
良心

有云二尊等者西山義也此義意若讓功於本屬弥陀  
教其義無妨但群疑論定散修滿念佛三種配當三經


時唯念佛屬小經故小經說名阿彌陀教經名教故此釋爲二尊一教譖可非二尊二教證也凡當流放下能說所說取合云二尊教也但十四行偈中云彌陀本誓願位大經極樂之要門云依觀經判序題門要門弘願俱依觀經料簡如此義觀經中要門弘願俱有但偈中弘願雖依大經又一義存俱依觀經是亦無相違又設雖大經能詮釋迦也有云二尊二教義四十八願根本彌陀說也釋迦傳說之故推功於本云彌陀教也○正明發起等者惣以五行雖屬發起此句正當發起造疏故云正明也○隱顯義等者九品文具說十一門在上々品下八品中不具云隱經有之云顯也釋家得旨作

一曰番直九品釋顯十一門又說三心房上八品僅十六字也然和尚廣釋八千半二百餘行上通定善下直八品云三心妙解也○又經開演等者經廣開演淨土他力要門云廣開淨土門故下文云娑婆化主廣開淨土之要門對釋廣闊亦云廣開又序分示定散畧言至正宗分閱十三觀閱九品因云經開演釋家相應經旨料簡爲釋廣闊義雖通經文相可屬釋云今舉二尊教廣開故○惣明以此等者令束說偈造疏迴自他發心云惣善重兼願發願歸敬發起名說偈此觀經已下名造疏平等以下云迴向等能迴名自所迴名他發菩提心名發心也問設無三心發菩提心可往生哉答

設雖發上求下化心無依淨心何生淨土故欣淨心上  
可論菩提心徃生也次問答中第一問難迴未來善上  
雖標廣開淨土造疏未有故致此因對文可見答中先  
標義引文次但迴向下會難先標意者對迴過現已造  
善根云亦有迴○華嚴等者第三迴向中第三也三善  
根所迴向善躰而無所著下述能迴心相謂迴心空寂  
不可得云無所著無所著故名爲無相是當性空不<sup>止</sup>  
無相名爲離相是當相空此心能達菩提故云悉以迴  
向根字還以字可讀又一義云三世善根舉善相狀而  
無下說善體性謂善躰無生不可得故云無所著故云  
無相離相無相善根能成菩提故悉迴向離相反以字

可讀云○刊定記者華嚴宗章疏目錄云華嚴刊定記  
十六卷新羅惠莞撰已有云惠莞者香象弟子香象大  
師作八十華嚴釋不終功入滅其後惠莞作續此記故  
云續刊定記出清涼大師演義抄但付惠莞有同名師  
今靜法寺惠莞也○有二釋等者初釋約事謂今發願  
人薰藏識新薰種力攝持未來所修善根任運注向衆  
生吾提譬如治堤塘當放水時任運流注次義約理謂  
以今吾摄法性理々遍九世故今善隨爲未來善故迴  
彼善也達能修心所修善俱空不可得云攝法性初義  
通餘故無能別次義限華嚴圓教故云依此教也○一  
念吾者或時篇念或心所念何無違妨云○遍九世者

過現未來三世各融通三世故成九世清涼釋云延一  
念兼永劫攝九世入刹那已上古人云一迷來時久劫甚  
長一覺生時三世同時上又五刹那可立九世圖云



法生理非世法故遍三世故未來所修成現在善依之  
現在以未來善迴向也刹那者俱舍頌云百二十刹那  
爲恒刹那量臘縛此六十此三十昼夜三

十昼夜月十二月爲年已臘縛者此云臘々レロク  
也云○答善薩等者舉入位菩薩兼濟顯凡夫迴善又  
雖邪地凡夫一分發共他心名菩薩欵○成薰發之緣  
等者以所發善向施恩者迴願薰力成發心緣令所施  
人發心修行或追善薰力變光明令父母等發心修行  
云○先師語云者辨阿上人然阿彌範故指弁阿名先  
師也○有賢哲者竹林房法印也悟謂證悟一如理故  
次下牒此義迷悟相對破之又今所論凡夫所修迴向  
義故凡夫分解知自他一如名悟歟竹林坊檀那流學  
匠靜嚴法印也是聖覺法印師範也證真法印惠心流  
智嚴坊竟經阿闍梨弟子也○自他一如等者事理二

相故理前雖自他一如事前自他異也故他善非自善  
若依一如以他善可出生死一佛成佛一切衆生同時  
可出離可成悟一如佛所經衆生善故有如是難故云  
不尅也○先師不尅等者寶地房法印證真辨阿上人  
天台修學時師範故指證真名先師也若如上義能迴  
人設雖悟一如所施迷情無其益故云不尅耳○弔少  
聞此等者弁阿上人指自身云弔少聞此是乃辨阿昔  
於明星寺遇唯心常寂圓乘時所聞義同證真義故云  
同後說云弔少等者有坂下云辨阿上人指自身於明  
星寺值唯心常寂一師學圓宗時所聞義同證真義故  
云同後說云今云有人義不審也今記比來次第不似

有人義能々可見此先師良忠御言良忠年少昔值三  
井寺瀧淵房所聞同鎮西御相傳寶地房義也云○大  
乘義章等者此文有二科簡初義雖無自業他受彼此  
互成助緣非無其益也後義所迴向善直爲他人成助  
緣彼出生生死但迴向善成己家能化因未來世中所化  
衆生敬順受法也此已家能化果也廿レハ今迴向功  
德或成因成果但所迴向衆生依能化々道未來得益  
也此二釋皆依他迴向無自善出生死不云也○問小  
乘等者藤田問意若依他迴向無出離義者可同四無  
量心四無量心雖有拔苦與樂意樂所化無益故答意  
四無量心一向無益大乘迴向成薰發緣故彼此異也

四無量心者俱舍論二十九云無量有四一慈二悲三喜四捨言無量者有情爲所緣故引無量福故感無量果故此何緣故唯有四種對治四種多行隨故何謂四種謂瞋害不欣慰欲貪嗔治此如次建立慈等行相別者如何當令諸有情類得如是樂如是思惟入慈等至云何當令諸有類離如是思惟入悲等至諸有情類得樂離苦豈不快乎如是思惟入喜等至諸有情類平等々々無有親怨如是思惟入捨等至此四無量不能斷惑乃至能治嗔等故此緣欲界一切有情不緣上界能治緣彼嗔等障故上界無嗔等故不緣上界也已○此四無量無者俱舍論二十九釋四無量心畢致此問答也

初問次願欲令下答於中二初直答次縱許答婆沙論云問所緣有情非彼得樂云何慈觀非顛倒耶答利益意樂所等起故安樂意樂所等起故調善意樂所等起故憐愍意樂所等起故善根相應故慚愧相應故自性善故伏諸煩惱故遠離煩惱故不名顛倒比光記云雖言未得願欲令彼得樂等故非是顛倒阿彌陀耶此云意樂雖實未得由善意樂無顛倒故雖實未得與勝解想相應起故非執真實故非顛倒設是顛倒復有何失押外道於過比答意小乘有意樂無益他大乘有意樂而利益他耳○勝解想等者百法論疏云々何勝解於安定境印持爲性不可引轉爲業云何作意謂能驚心爲

性於所緣境引心爲業已雖無法決定思有名勝解作意一切衆生定受樂觀故云勝解想雖如是觀無執故云無顛倒問法身無隔起信論云若人修善自然歸順薩婆若海上凡夫迴向尚成薰發緣况羅漢住利生意樂何不成薰發緣耶答誠依大乘可成內薰今約教談成大小異况小乘意自利爲先而無行功救苦意樂勝解作意故無他益大乘迴向利他爲先而以行功迴向故成薰發緣令生他善也○若應非善等者言所化無益故四無量非善者不尅慈悲等以無嗔等善心爲財故是善也俱舍頌云無量有四種對治嗔等故慈悲無瞋惟喜々捨無貪○昔所聞者辨阿劫少所聞給

初問次願欲令下答於中二初直答次縱許答婆沙論云問所緣有情非彼得樂云何慈觀非顛倒耶答利益意樂所等起故安樂意樂所等起故調善意樂所等起故憐愍意樂所等起故善根相應故慚愧相應故自性善故伏諸煩惱故遠離煩惱故不名顛倒比光記云雖言未得願欲令彼得樂等故非是顛倒阿劫耶此云意樂雖實未得由善意樂無顛倒故雖實未得與勝解想相應起故非執真實故非顛倒設是顛倒復有何失押外道於過比答意小乘有意樂無益他大乘有意樂而利益他耳○勝解想等者百法論疏云々何勝解於安定境却持爲性不可引轉爲業云何作意謂能驚心爲

性於所緣境引心爲業已雖無法決定思有名勝解作意一切衆生定多樂觀故云勝解想雖如是觀無執故云無顛倒問法財無礙起信論云若人修善自然歸順薩婆若海已凡夫迴向尚成薰發緣况雖漠住利生意樂何不成薰發緣耶答誠依大乘可成內薰今約教談成大小異况小乘意自利爲先而無行功救苦意樂勝解作意故無他益大乘迴向利他爲先而以行功迴向故成薰發緣令生他善也○若應非善等者言所化無益故四無量非善者不尅慈悲等以無嗔等善心爲財故是善也俱舍頌云無量有四種對治嗔等故慈悲無瞋惟喜々捨無貪○昔所聞者辨阿幼少所聞給

成故剏教化下劣有情設無領解聲入毛孔遠作菩提之因緣故上此次良心有科紙一字下而書之

答中四初是難問意二但機下述感相區成薰發義

三又大下引餘釋助成應薰發義四又於下明恩無

恩

已上良心抄也

顯機顯應等者顯修善云顯機感應云顯應雖有修善感果不顯云冥機冥應餘二可知俱縛婆羅門是冥機顯應也法華玄六意也法華玄六云略言爲四一冥機冥應二冥機顯應三顯機顯應四顯機冥應其相云何若過去修善業現在未運身口藉徃善力爲冥機也雖不現見靈應而審爲法身所益不見不聞而覺而知

是爲冥益也二冥機顯應者過去植善而冥機已成便得值佛聞法現前獲利是爲顯益如佛初出世最初得度之人何曾修行諸佛照其宿機自往度之即其義欲三顯機顯應者現在身口精慤不懈而能感降如須達長跪佛徃祇菌月蓋曲躬居明闇如印行人道場禮懺能感靈瑞即是顯機顯應也四顯機冥應者如人雖一世慾苦現前濃積而不顯感冥有其利此是顯機冥益若解四意一切促頭舉手福不虛棄終日無感終日無惱若見欲殺壽長好施貧乏不生邪見若不解之者之其徒功衆計憂惱失現理釋論云今我疾苦皆由過去今生修福報在將來正念無僻得此四意又機有四謂

冥與顯亦冥亦顯非冥非顯冥是過去顯是現在亦冥亦顯是過現非冥非顯是未來如佛爲闡提說法已未來益闡提也云此次良心解說尤多雖無今記爲佛胸肯一字下而放射於空

又大乘等者淨影文也上義此釋對有同異同者迴善直不利他成緣義邊同故引用與者上義迴善成緣令他修善今釋迴善爲緣未來世爲所化有此異故置又言也文有問答又有二義初義意者今用迴向彼此互相緣助成故未來化彼令生善也次義意者迴向功能化因果○彼此等者彼所迴人此能迴我互相緣助又依迴向未來世中爲師弟成化益云互相緣助所化云彼能化云此○已家者家是

宰也又大乘等者先引意者取有別義故他修非我修句例廻善直不教他苦取迭相助成速疾得道句例成廻善爲薰發緣成他得道文有問答先問意者心性同別義爲由謂惟別故他修不二故他修我不得故答中初述性別他修我不得道而修不修理體平等雖然已下述二義初述解躰同者知他善即已功德次又復須知下述不知他善已有者不得他善耳初中二初述義趣次問答安疑初中三初直釋次引文後勸勵○經言者更勘云○同一善根藏者如來藏異名也次問意者若解躰同知他所修即已功德一切凡夫設無自行可得道乎答大意者設雖知

他善即已德若無自行得道難成須自行知他善已德速得道也於中初約理性同別識問者情次但可下勸得道義○又復等者自修不知他善已有不得他益即如窮子不知父財信解品意喻如童子幼稚無識捨父逍遙遠到他國經五十年貧窮困乏馳騁四方以求衣食其父憂念求子不得頗止一城其家大富財寶無量庫藏充浦時貪窮子求索衣食經歷諸國遂至父舍見父豪貴謂是國王我若久住或見逼迫思惟是已馳走而夫長者是時在師子座遙見其子即敕使者急追將還窮子驚喫迷闇辟地更遣餘人可語之云當相雇除諸異穢作與汝償窮子聞

之歡喜隨來爲除糞穢淨諸房舍長者遙見子上汚穢不淨即脫瓔珞細與上服更著鹿弊垢臘衣執除糞器徃到子所語令作又以喪語自今已後如所生子窮子由是二十年中常令除糞過是已後心相牴信入出無難然其所止猶在本處樂金銀等諸物令知猶處門外止宿草菴自念貧事我無此物父知子心漸已曠大欲與財物即娶親族國土大臣已即宣言諸君當知此實我子我實其父捨我他行經五十今吾所有財物悉以付之窮見父此言即大歡喜得未曾有佛亦如是知我樂小未曾說言汝等作佛世尊我等以三苦故於生死中受諸惱迷惑無知樂

著小法世尊令我等思惟蠲除諸法戲論之糞我等於中勤加精進得至涅槃一日價既得此已心大歡喜自以爲足已上略抄長行偈頌意無量義經說尔前時云

四十餘年法花云二十年今釋云二十余年相違何  
答四十餘年配當三時阿含十二年方等十六年  
般若十四也三周聲聞住小乘心別屬阿含惣通方  
等般若故云四十四年於中間大乘說耻小慕大般  
若佛便爲菩薩雖說大乘小執堅思但爲菩薩演其  
實事而不爲我說此真要故天台釋方等般若時機  
勝云冥成通人方等冥成別人般若雖余未知父子天性  
一猶住小心故經說二十年中常令除糞過是已後

卷之六  
入出無難然其所止猶在本處經依小執殊堅時分  
云二十年今釋依經過是已後等意而約阿含方等  
時云二十餘年欵 問指何云經五十年耶 答難  
知若指大通結緣以後時欵 ○ 藉因等者依自修云  
藉因知他修即已有云誣緣也 若但已下法譬合釋  
不假他意遮止但獨求意表但德等云○ 又於等者  
上於有緣成薰發緣無緣無益云今於廻向分恩無  
恩父母等親類即有恩餘人無恩約衆生恩無恩  
義一切衆生皆成結緣故異上緣無緣義又衆生恩  
中有淺深淺屬無恩深有屬恩可成薰發緣淺深也  
心地隨願兩經別約父母等恩贊綱經廣說衆生恩

云○一切地水者無始受身四大無量故云一切地  
水等也 ○ 輕垢罪者彼經說十重四十八輕戒其隨  
一也 一義云下第二述依他廻出離此義意者憑佛  
法力以所修善廻施恩者廻善爲便佛法力赦彼恩  
者苦非言廻善獨赦他苦於中初直釋次問答初中  
三初標義二鳩崛下述佛法力三何況下正述義趣  
○ 鳩等者鳩崛經意朴師教云切千人指作長行  
首即生天上仍則九百九十九人指欲切母指余時  
世尊知時來下鳩崛見佛說偈云住々大沙門淨  
王太子我是鳩崛摩今當稅一指佛答偈言住々鳩  
摩汝當住淨戒我是等正覺輸汝惠鉢稅余時鳩

崛捨釤蹄近天台釋云捨釤深坑即便禮佛命善  
來成阿羅漢云○俱縛等者隨求陀羅尼經意如上  
所引云○大經等者佛光所益故屬他力紹光當相  
可屬法力○地藏等者菩薩所益故引爲他力由苦  
證問答四番○此亦不定者生三界人天通發心未  
發心斷惑證理必發心迴善出苦通未發心故云不  
定○故論云等者智論意謂人造善惡雖無願心  
自然感人天樂惡自然感三惡苦果云○斷惑等者  
斷證必用修生顯得無漏恩故云必發又發出離生  
死之心云必發心也○故迴等者迴善二意一迴善  
或薰發之緣二迴善合佛法力自然成出苦今後意

也○問生等者難上斷證必發心也○阿那含者斷  
欲惑不生欲界故云不還此有七種一中般謂欲界  
沒徃色界必中有位頓發無漏智斷余惑般涅槃二  
生般謂生色界生有位般涅槃三有行般生已長時  
加行勤修方般涅槃四無行般生已不及加行勤修  
即般五上流般是上行義謂於色界要轉上生方般  
涅槃六無色般謂欲界沒不生色界超生無色方般  
涅槃七現般謂不生上界住欲界位般涅槃云今約  
生般致問難意者若生有位般涅槃時節一剎那何  
發心答約薰發謂證果力成薰發緣一剎那間般涅  
槃也○自力他力者生般那含是自力故必成薰發

鴟崛證果依佛力故不依薰發頓證聖果實有因緣  
住心爲因佛力爲緣今約強緣信心屬無况無出離  
生死心乎云○問上等者初義廻善成薰發緣次義  
廻善直出苦此二義永別耶荅中四初標二義意二  
微中下顯微因義三凡阿下示偏屬意四強下述存  
二義意○和會等者委論廻善所施出苦必有因緣  
廻善薰力以爲外緣衆生善根以爲內因其內曰微  
著差故修善顯著爲第一義微弱善因即屬無因爲  
第二義々々各據一意並不相違故云終無乖違○  
微中等者一性德理二修善此有種類處中差故云  
有多義相對薰發修善顯著性德種類處中三種名

微此微因合佛法強緣成出苦也生佛乃具一如理  
姓名性德也○眷屬妙者釋經題妙本迹十妙者境  
妙行妙位妙三寶妙感應妙神通妙說法妙眷屬妙  
利益妙云法華玄釋眷屬妙分爲五種一理性者生  
如佛如一如無二理性相關任運是子二業生者理  
性之子飲他毒藥有失心者不失心者不失心者大  
通覆講之時得結大乘父子其失心者雖與良藥而  
不肯服流浪生死卽作方便縕四教緣則成眷屬在  
業生中三願生者先世結緣雖未斷苦願成眷屬四  
神通者先世遇佛發真見諦生猶未盡或生上界或  
在他方以願力若以通力來生下界爲親中忍輔佛

行化五應生者法身菩薩惑除理顯更有自熟令他  
本緣三意來云佛前取意  
眾抄○父子等者能化爲父所  
化爲子修性雖異理體一如故云天性生佛所具理  
惟自本具三千德故妙樂云三千在理同名無明三  
千果成咸稱常樂已證悟生佛不二理云感應宛然  
○二妙樂者開會善有種類種相對種二途種類種  
者法華疏云一切但頭舉手悉是解脫種一切世智  
三業解心若空種凡有心者皆當作佛即法身種又  
云彈指散華是緣因種隨聞一句是了曰種凡有心  
者是正因種上相對種者煩惱即菩提業即解脫生  
死即涅槃云○又無等者種類物通律儀中故終

別中間安又言依俱含意善惡各二一律儀善遇師受戒  
二處中善別不遇師修三業善一律儀惡遇邪師受惡戒造身三品惡業二處  
中惡別不受師造三業惡修性因種類處中三善名修性德名  
性云凡阿已下示偏屬意中初直釋次引例初○阿  
毘達摩者指論藏々委判法相故述目緣和合初  
義意也○素多攬者指佛經々教因別時意偏說義  
次義意也○台家等者法華玄意鳳佛應用或約單  
思大經云如有士子然於病者心則偏重如來亦  
於諸衆生非不平等然於罪者心則偏重已或約單  
善大經云我觀衆生不觀老少中年貧富貴賤有害  
心者即便慈念已或約雙帶闡提極惡不能感佛餘

者善惡能關慈悲取意  
畧抄此中單惡單善二義因別意  
例後義雙帶一義依法相說意例初義已又淨土下  
自他二力偏屬以至微因屬無第二義耳○顯於等  
者第一義云顯機著強第二義云冥機微弱強立已  
下述後義意又無因下述初義意○外計者指外道  
邪見而已

已上良  
心抄也

卷錦鑽仰者誓古讚嘆義也玄義一云卷錦鑽仰弥覺  
堅高釋纖一云卷錦鑽仰者章妥妙嘆再治再讀理堅  
意高如孔子諸弟子孔子智深如窺其官墻鑽之弥覺  
其高已上准依惣歎證定書義堅意高云卷錦鑽仰下文  
云佛蜜意弘深教門難曉等堅高意也○對徃生等者

上求下化菩提心惱通二門機今對徃生機以勸發善  
提心也

觀經玄義分傳通記卷第二見聞本終

七十一紙

享保十四配年八月五日謹指寫

活字絕板

三緣山袋谷方國



B. 12.2